



Na sesión celebrada na data que se indica, adoptouse o seguinte:

ACORDO:

Na cidade de Ourense, a trinta de setembro de dous mil tres

Visto o expediente de clasificación do monte como veciñal en man común coa denominación de *O Real*, por solicitude dos veciños do lugar do Rial, do concello de Maceda (Ourense).

Resultando que con data 10 de xaneiro de 2001, tivo entrada no rexistro da delegación provincial da Consellería de Medio Ambiente en Ourense, escrito dirixido ó Xurado Provincial de Montes Veciñais en Man Común asinado polos veciños do lugar do Rial, concello de Maceda (Ourense), solicitando se declare o monte *O Real* como veciñal en man común.

Resultando que o Xurado provincial en sesión de data 26 de setembro de 2001, acordou tomar en consideración o citado escrito e inicia-lo expediente de clasificación do monte designando instructores do mesmo a José Ramón Goyanes Flores e Miriam Areal López, que aceptaron tal cargo, librándose mandamento para a anotación preventiva no Rexistro da Propiedade de Allariz, e remitíndose comunicacións dirixidas ós veciños do lugar do Rial : Maceda, ó presidente da Deputación Provincial de Ourense, ó alcalde do concello de Maceda, á Delegación provincial da Consellería de





Política Territorial, Obras Públicas e Vivenda, ó xefe do Servicio de Montes e Industrias Forestais, á Xerencia Territorial do Catastro e á Delegación provincial da Consellería de Agricultura, Gandería e Política Agroalimentaria, publicándose edictos no *Diario Oficial de Galicia* e no taboleiro de anuncios do Concello de Maceda, durante o prazo dun mes segundo consta en dilixencia estendida ó dorso do edicto polo secretario do citado concello, para que durante o prazo sinalado en edictos os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente, se practicou no Rexistro da Propiedade de Allariz, como segue:

Practicada anotación a favor da comunidade de veciños do Rial, ó folio 128, do Libro 60 de Maceda, Tomo 361 do Arquivo, Letra A, finca 10.125

Resultando que na tramitación do expediente se cumpriron tódalas formalidades legais.

Considerando que o Xurado Provincial de Montes Veciñais en Man Común, ten xurisdicción e competencia para coñece-los expedientes de clasificación dos montes que teñan tal carácter a teor do establecido no artigo 9 da citada Lei.

Considerando que o tipo de comunidade xermánica que institúe a Lei de Montes veciñais en man común ten como características esenciais as seguintes:



- 1) Que os condominios se unen por vínculos persoais de veciñanza agrupados en parroquias, aldeas, lugares, casarfos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable;
- 5) Que a comunidade é indivisible, non podendo os comuneiros pedir-la "*actio communi dividundo*".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños do lugar do Rial, no concello de Maceda.

Os datos do citado monte son os que se referencian na parte dispositiva deste acordo.

Considerando que das informacións recollidas resulta que os veciños do lugar do Rial, están conformes coa clasificación do citado monte como veciñal en man común.



Considerando que a teor do disposto na Lei de montes veciñais en man común, o expediente de clasificación se iniciou por acordo do xurado, por instancia dos veciños do Rial, para que este xurado puidese acordar-la iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro, así como o establecido na Lei de réxime xurídico das administracións públicas e do procedemento administrativo común, do 26 de novembro de 1992.

Visto o Decreto 14/2002, do 24 de xaneiro, polo que se establece a estrutura orgánica da Consellería de Medio Ambiente.

O Xurado Provincial de Montes Veciñais en Man Común, á vista dos antecedentes e fundamentos expostos e por unanimidade dos seus membros:

ACORDA:

Primeiro. - Clasifica- lo monte coa denominación *O Real*, de 16,16 ha, aproximadamente en conxunto de superficie a favor dos veciños do lugar do Rial, no Concello de Maceda (Ourense), e cos datos que a seguir se relacionan, coma veciñal en man común, en réxime de comunidade xermánica.





Os datos do citado monte son:

Concello: Maceda (Ourense)

Denominación do monte: O Real

Comunidade propictaria: O Rial

Superficie: 16,16 ha, aproximadamente.

Estremas.

Norte. Paraxe cofecido coma Lancira: Estrada de Ramil a Maceda, e Francisco Agustín Prieto Vila

Sur: paraxe cofecido coma Pino: Santiago Ferreiro Pérez, e Samuel Peña Cid

Leste: paraxe cofecido coma As Abellas: Manuel Grande González, Francisco Agustín Prieto Vila, e Elena Casal Estévez

Oeste: paraxe cofecido coma Alto: José Graña Ferreiro, Carmen Formoso Formoso, e Manuel Casado Diéguez

Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifíquese esta resolución ó alcalde-presidente do concello de Maceda, ós representantes da comunidade veciñal, ó xefe do Servizo de Montes e Industrias Forestais, ós que se lles fará saber que esta resolución, que pon fin á vía administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-





XUNTA DE GALICIA

CONSELLERÍA DE MEDIO AMBIENTE
Delegación Provincial de Ourense
Servicio Técnico Xurídico

1/ Paseo, 18 - 5.º
32003 OURENSE

Administrativo de Ourense no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administración públicas e do procedemento administrativo común e artigos 8 e 46 da Lei 29/1998, do 13 de xullo, reguladora da xurisdicción contencioso-administrativa.)

The image shows several handwritten signatures and a circular stamp. The stamp is from the 'PROVINCIA DE MONTES VECINALES EN MAN COMUN XURIDICO OURENSE'. There are three distinct signatures: one to the left of the stamp, one overlapping the stamp, and one to the right. A large, thick signature is written below the stamp.



PLANO: 226 - 23
ESCALA: 1:10.000
COORDENADAS
X: 612.550
Y: 4.622.500

